

史學輯佚文獻彙編

翟金明 主編

國家圖書館出版社

40

晉世家索隱
二諸侯年表引同
名軌左桓元年正義

穀梁疏

史學輯佚文獻彙編

40

中華書局影印

明倫彙編
家範典

第四十冊目錄

別史類(四十)

何法盛晉中興書七卷 (南朝宋)何法盛撰 (清)湯球輯

卷一 一

卷二 一五

卷三 二一

卷四 三九

卷五 四九

卷六 五三

卷七 五九

晉中興書一卷 (南朝宋)何法盛撰 (清)王仁俊輯 一九六

晉中興徵祥說一卷 (南朝宋)何法盛撰 (清)王仁俊輯 一九九

何法盛晉中興書二卷 (南朝宋)何法盛撰 陶棟輯

卷上		二〇一
卷下		二〇五
臧榮緒晉書一卷	(南朝齊)臧榮緒撰 (清)黃奭輯	二一三
臧榮緒晉書十七卷補遺一卷	(卷一—十三) (南朝齊)臧榮緒撰 (清)湯球輯	
卷一		二九九
卷二		三一七
卷三		三三五
卷四		三五七
卷五		三六三
卷六		三八七
卷七		三九五
卷八		四一一
卷九		四二七
卷十		四六一
卷十一		五〇三
卷十二		五〇七
卷十三		五二三

何法盛晉中興書卷一

黟縣湯球輯

中宗元皇帝

中宗元皇帝諱睿字景文世祖咸寧二年生于洛陽初誕有神光之異一室盡明所藉藁如始刈及長白毫生日角之左眼有

精曜嗣爲琅邪王

五字依文選晉紀總論注引補

唯侍中譙國嵇紹少而異之

謂其友曰琅邪王毛骨非常殆非人臣之相惠帝幸臨漳中宗

從駕是時中宗叔父東安王繇爲成都王穎所害懼禍及謀出

奔其夜月明禁衛甚嚴不能得去有頃天暴風雨晦暝徼者四

散中宗乘間得脫至河陽爲津吏所止從者宗

或作宋

典後至以

馬鞭拂之謂曰舍長官禁貴人而汝被駐邪因大笑由是被釋

自中宗乘間以下依御覽四百九十四引補中原喪亂中宗初鎮江東文選述祖及德詩注

遷鎮建業以顧榮為軍司馬禮接名豪設官分職隱恤士庶百姓歸心焉初性好酒王導深以為誠乃命左右進觴躬引覆之自是不復飲也愍帝為胡賊劉粲所沒中宗素服出次舉哀三日于是百僚稱上尊號帝固讓百僚又固請中宗慨然流涕曰吾本琅邪王諸賢見逼不已乃呼私奴命駕將反國羣臣不敢復逼乃求依魏晉故事為晉王許之劉琨連名勸進中宗云云依文選劉越石勸進表注引補愍帝崩于平陽百僚更上尊號是日即皇帝位類聚十三

立紹為皇太子中宗任刑法以韓子賜太子書鈔

元帝以佐命功封周玘烏程公又封王敦武昌公御覽二百

元帝封孔亭爲奉聖侯不食戶邑

同上二百一

太興元年改丹陽內史爲丹陽尹

類聚五十 御覽二百五十二

太興元年詔曰亢旱穀貴百姓嗷嗷有資者貴糶貧羸之民益困漢世穀貴官賤糶使價不超越謂之平準今雖無此可出閣米萬斛使三分減一以平其價令貧困者悉得足以至秋也

御覽

三十
五

太興三年元帝詔曰朕應天符創業江左

文選頭陀寺碑文注

大旱經久太興四年四月始雨有奏應報賽宗廟山川中宗詔曰祈廟云報賽非奉尊上辭也吾意有疑以爲舊山川有所報故雨賽非大事不應告廟臣子無要君之道黷祭稱賽于禮有

違

御覽五百二十九

元帝大典鮮卑送璽

書鈔

東海王越死妃裴痛越棺柩被焚乃招魂葬越于丹徒中宗以爲非禮乃下詔曰夫冢以藏形廟以安神今世招魂葬者是埋神也其禁之

御覽五百五十五
又八百八十六

王廙爲母立屋過制中宗流涕凍之帝所幸鄭夫人袍無文繡其恭儉率下如此

御覽四百
三十一

昔秦始皇東遊望氣者云五百年後東南金陵之地有天子氣于是始皇改爲秣陵塹北山絕其勢今建康卽秣陵西北界所塹卽建康南淮中也案始皇東遊之歲至孫權僭號四百三十七年攷之年數卽不合校之基宇又非倫豈應帝王之符而見兆于上代乎有晉金行奄君四海金陵之祥其在斯矣且秦政

東遊至今五百二十六年所謂五百年後當有王者也類聚九十八

肅宗明皇帝

肅宗明皇帝諱紹字道畿

八字依初學記十引補

中宗長子也建武元年

中宗爲晉王拜王太子及踐阼

阼字亦依初學記補

尊號爲皇太子冊曰

於戲朕承天緒忝繼祖宗之洪基君臨于萬邦戰戰兢兢若涉

淵冰未有攸濟自古聖王敷宅四海莫不建立元子本枝百世

今稽古授爾于儲宮以陪貳于朕躬欽哉爾其克念乃祖日新

厥德何遠非佞何親非賢欽翼師傅以丕崇大化可不慎歟爾

其敬之

御覽百四十六

肅祖之在東宮敬禮賢士昵近明德

八字依初學記十引補

與溫嶠庾亮

並布衣之好

御覽四百七

明帝以平錢鳳功封王導始興公溫嶠建寧公庾亮永昌公郗鑒南平公卞壹建興公蘇峻邵陵侯劉泉泉陵侯應詹觀寧侯

卞郭

疑作敦

益陽侯趙允湘南侯

御覽二百

大寧三年閏七月帝崩太子衍卽位尊明帝后庾氏爲皇太后九月癸卯皇太后臨朝稱制司徒王導錄尙書事

類聚四十八御覽二百十

顯宗成皇帝

顯宗成皇帝諱衍字世根肅祖長子也卽位後蘇峻及祖約阻兵作逆詔庾亮卞壹距之戰于青谿壹等敗績壹死之亮奔江州其陶侃溫嶠率眾下討峻臨陣斬之

類聚十三

成帝以平蘇峻功封公者三人侯者八人又以討郭默功者三

人

御覽二百

成帝咸康元年詔曰有司條典虔奉郊祀燔柴既饗芳氣清穆其赦天下令咸得自新

初學記二十

康皇帝

康帝諱岳字世同成帝同母弟也成帝崩上卽位年二十二

以上

亦見世說注四

憂哀不忍言政一委中書監庾冰

類聚十三

孝宗穆皇帝

孝宗穆皇帝諱聃字彭子

三字依文選薦譙元彥表注引補

康帝子也建元二

年康帝疾篤左光祿大夫領司徒謨尙書令恢等上疏曰臣聞皇義玄邈五帝攸往淳風澆散三王傳嗣欲令國有常君民有定奉關諸盛衰不易之道也伏惟皇子天挺奇表隆準豐下岐嶷之姿彰于始年大成之風顯于期月宜建立儲宮允副民望

請下太史擇吉日告宗廟尚禮奉行奏可

御覽百四十八

康帝崩乃即位時年十九

類聚十三

穆帝以平蜀功封桓溫臨賀公

御覽二百

穆帝詔曰實賴英宰淵謀

文選諸淵碑文注

穆帝升平二年皇帝詔曰狄飛督王饒忽上吾鵠鳥一口云以

辟惡此凶物豈宜妄進于是頓鞭饒二百使殿中侍御史孫雲

監臨于四衢道焚燒之

初學記二十四 御覽六百四十九又九百二十七

哀皇帝

哀帝興寧元年詔庭燎樹端門內

類聚八十 御覽八百七十一

哀帝以平關洛功封桓沖豐城公

御覽二百

海西公

海西公以平袁真功賜桓溫子偉爲西昌公

御覽二百

太宗簡文皇帝

太宗簡文帝諱昱字道成

類聚十三引成作方

中宗少子也母曰鄭夫人

永昌二年封琅邪王咸和元年鄭夫人薨上時年七歲哀號守

誠乞得服重朝議哀之故徙封會稽王建元元年詔曰太常職

典天地兼掌宗廟其爲任也可謂重矣是以古今選建未常不

妙簡時望兼之

之一作收

儒雅遠通天人洽暢神祇會稽王叔履尙

清虛志道無倦優游諷議朕所諮仰其以王領太常本官如故

自建元以下依御覽二百二十八及書鈔引補案書鈔誤引作元帝建武元年

康獻皇后臨朝建位撫

軍大將軍錄尙書六條事二年驃騎將軍何充薨皇太后詔上

內總萬機海西公卽位七月以琅邪王封絕徙上爲琅邪王封

王子昌明爲會稽王固讓不受太和元年十月詔會稽王體道
冲虛理識明允阿衡孝文有保乂之規輔弼哀皇盡翼亮之道

朕承洪緒仍聞善誘慎徽五教儀彤具瞻登賢顯親國之典也

其自會稽王體道以下依御覽二百以爲丞相錄尙書事錄事

亦同依入朝不趨讚拜不名劔履上殿給羽葆鼓吹班劔六十

人固讓不受海西公廢皇太后詔曰會稽王英秀立虛神棲事

外文選始作鎮軍參于是大司馬溫及百官進太極前殿具乘

輿法駕奉迎于朝堂變服著平巾幘單衣東向拜受璽流涕卽

位改太和六年爲咸安元年乙卯廢太宰武陵王爲庶人二年

三月乙卯簡文詔曰祿不代耕非經通之制也文選上蕭太傅

七月上不豫己未立皇太子昌明爲皇太子封皇子道子爲琅

九 邪王領會稽國是日帝崩于東堂在位二年時年五十二御覽九十

烈宗孝武皇帝

烈宗孝武皇帝諱昌明太原誤中宗第三子也類聚十三

寧康元年七月桓溫卒烈宗沖幼桓溫威震外內人情嚙啗互生同異謝安與王坦之盡忠匡翼溫諷朝廷欲爲九錫使驍騎將軍袁宏具草時溫已疾篤宏以呈安安視輒云不好更勾改之使彌歷旬日至于溫薨錫命遂寢類聚五十三御覽二百二

以桓沖代溫都督諸軍事烈宗詔曰桓沖協隆治道文選齊故陸昭王碑

注文

孝武詔曰躬儉以宏下濟之惠文選車駕幸京口侍游蒜山作注

孝武詔曰誠存匪懈治道有寄也

同上宣德皇后令注

太元二年興滅繼絕復故陳騫後浩之爲高平公裴秀後球爲

鉅鹿公王沉後朴之爲博陵公荀勗後軌爲濟北侯何曾後闡

爲朗陵侯羊祜後法興爲鉅平侯

類聚五十一

太元三年詔曰鹽者國之重利

書鈔

安皇帝

安皇帝烈宗長子也冊爲皇太子曰岐嶷表于載誕克廣同乎

大成是用命爾以登儲貳

初學記十

安帝以興復功封劉裕等二十三人裕唱謀封豫章公萬戶劉

毅南平公五千戶何無忌安成公劉道規華容公

御覽二百

安帝義熙元年禁絹扇及樗蒲

事類賦注扇御覽七百二

恭帝

劉裕都督中外諸軍詔曰大司馬地隆任重親賢莫貳

雖府受節度可

身無致敬文選行狀

一注上下依晉書補

元熙二年禪宋昔中宗以丁丑之歲是稱晉王改築宗廟使郭璞筮之云載祀二百及今禪代庚申之歲凡百有二年而天祿永終璞精于術數理無乖二抑以百二期促故倒其詞爲二百

乎

一百覽